

Journal Sientifiku
Implementation Of Indonesian Public Policy Of Government With Timor-Leste Of The Government For Free Visa To Citizenhsip (Dalen Inglesh)
Publika ona iha
International Journal for Latest Research in Humanities and Social Science (IJLRHSS)
Link: <http://www.ijlrhss.com/corrent%20issue.html>

Implementasaun Politika Governu Indonesia Ho Governu Timor-Leste Fo Livre Visto Viza Ba Cidadaun (Dalen Tetun)

Autor : Leoneto Madeira Martins
Tulun Orsamentu Husi : Cepaz, UNPAZ
Instituisaun : Faculdade Siensia no Humanidade, Universidade Da Paz

ABSTRATU

Indonesia hanesan nasaun avancado iha seitor dezvoltimentu barak, no Timor-Leste hanesan nasaun foin ukun rasik an, sei menus liu iha seitor dezvoltimentu barak, mai be hare ba relasaun amizade entre cidadaun nasaun rua ne metin no iha ligasaun ran, uma lisan no kultura, tan ne politika nasaun rua nee, la hare' ba proseso dezvoltimentu nasional mai be hare ba oin sa atu kria relasaun diak ba future. Problema nececidade baziku, hanesan hela fatin, rai, uma, aihan no hatais mak sei falun cidadaun nasaun rua ne,e no problema politika ba dezvoltive seitor ekonomia mak oin sa atu dezvoltive seitor agrikultura hodi transforma ba seitor industria, oin sa atu kria fatin servico barak hodi hatun numeru ema mak buka servico, no oin sa atu hatun numeru kiak tamba idade no saude mak la fo biban hodi hetan servico mak falun governu rua ne'e, mai be, governu nasaun rua nee, iha kbit atu tau atensaun liu ba cidadaun barak nia interese publiko. Decizaun politika husi nasaun ruan ne, hare husi aspeitu barak bele halakon no husi aspeitu seluk bele fo tulun, depende ba ema ida-idak nia komprendaun no analiza no interpreta tuir valor implementasaun politika ne iha parte interese no nececidade publiko. Indonesia ho Timor-Leste, hanesan nasaun vizinho mak liga ho rai maran, no susar atu hari baliza ho moru, tan nee konsiderasaun politika livre viza bele hanesan mos moru ba garante seguransa hodi halao interaksaun no atividade ekonomia no kultura ba cidadadun.

Iha peskija nee ho ramu teoria mak hanesan: Teoria Implementasaun Politika Publiko, Teoria Governu, Teoria Sociadade, Teoria Atendementu Publiko. Peskija ne uza metodo peskija kualitativo deskripto ho fatin peskija mak : Ambaxada Indonesia, Ministerio Negocio Estranzerio ,Migrasaun Dilsa. Tekniku Halibur Dadus mak Intervista no Dokumentasaun, Tekniku Analiza Dadus Uza Analiza husi Ian Dey (1993).

Rezultadu peskija hatudu katak: Estratezia Politika Governu Indonesia ho Governu Timor-Leste hodi formula decizaun politika livre viza ba cidadaun, politikamente hanesan implementasaun politika estranzeiru nasaun nian katak

governu iha dever no puder halao relasaun serviso hamutuk hodi tulun cidadaun bazeia ba nececidade no interse povu no estdau, nee tamba hare ba estoria Timor-Leste hanesan nasaun ukun husi Indonesia, Relasaun familia ema Timor ho ema Indonesia metin liu, la bele haketak ho politika ou lei, tamba ligasaun raan, uma lisan, kultura hahu husi avo bei-ala sira to dadaun nee. Hare mos ba aspeto ekonomia katak Timor-Leste ho Indonesia hanesan nasaun vizinho mak ligasaun ho rai maran, cidadaun nasaun rua nee halao atividade ekonomia lais no facil, realidade hatudu katak dadaun nee cidadaun Timor oan antusias ba Indonesia halao atividade ekonomia hahu husi negocia kiik oan to negocio bot, bele tulun governu liu husi proseso seluk taxa. Politika livre vistu viza nee, bele dada liu tan ema Timor oan hakarak ba vizita familia iha Indonesia, vizita fatin turismu mak barak no furak no diak, nune mos cidadaun Indonesia mak vizita Timor-Leste.

Konkluzau: Iha proseso implementasaun politika livre viza husi governu Indonesia no governu Timor-Leste hatudu katak iha vatazen diak hanesan hasae numeru vizitantes Indonésia mai Timor Leste, Bele reduce cidadaun Indonésia mai Timor-Leste liu husi dalan klot, Fó biban ba Timor oan iha Indonesia bele viajen mai Timor Leste no kria relasaun diak entre cidadaun.

Kata Xavi: Implementasaun, Politika Governu, Livre Viza no Cidadaun.

=====

1.1.Antasedentes.

Indonesia hanesan nasaun avansado iha seitor dezvoltimentu barak, no Timor-Leste hanesan nasaun foin ukun rasik an, sei menus liu iha seitor dezvoltimentu barak, mai be' hare' ba relasaun amizade entre cidadaun nasaun rua ne'e metin no iha ligasaun ran, uma lisan no kultura, tan ne'e politika nasaun rua ne, la' hare' ba' proseso dezvoltimentu nasional maibe' hare' ba' oin sa' atu kria relasaun diak ba, future entre sidadaun iha nasaun rua ne'e.

Problema nesecidade, baziku hanesan hela fatin, rai, uma, aihan no hatais mak sei falun sidadaun nasaun rua ne,e no problema politik ba dezvoltive seitor ekonomia mak oin sa atu dezvoltive seitor agrikultura hodi transforma ba seitor industria no favor (jasa), oin sa' atu kria fatin serviso barak hodi hatun numeru ema mak buka serviso, no oin sa' atu hatun numeru kiak tamba idade no saude mak la' fo biban hodi hetan serviso mak falun governu rua ne'e, maibe' governu nasaun rua ne'e iha kbit atu tau atensaun liu ba' cidadaun barak nia interese publiko.

Decizaun politika husi nasaun ruan ne, hare' husi aspetu barak bele' halakon no husi aspetu seluk bele fo' tulun, depende ba ema ida-idak nia komprendaun no analiza no interpreta tuir valor implementasaun politika ne'e iha parte interese no nececidade publiko. Indonesia ho Timor-Leste, hanesan nasaun vizinho mak liga ho' rai maran, no susar atu hari baliza ho' moru, tan ne konsiderasaun politika livre viza bele hanesan mos moru ba' garante seguransa hodi halao interaksaun no atividade ekonomia no kultura ba, cidadadun sira.

Formulasaun politika ne' fo' perioridade ba' interese no nececidade povu, hanesan mos fo' atensaun ba' hamenus problema iha atendementu publiko husi governu ba' povu, hamenus preokupasaun no haleri povu ba, ukun nai sira, karik bele' dehan politika ne'e falun problema no hamenus problema, maibe' depende ba' implementasaun.

1.2. Formulasaun Problema.

Bazeia ba' deskripsaun iha antasedentes, mak formulasaun problema hanesan tuir mai: Tamba sa' Governu Indonesia no Governu Timor-Leste formula no Implementa Politika Livre Viza ba Cidadaun ?

1.3. Objektivu Peskiza

Buka hatene tamba sa' Governu Indonesia no Governu Timor-Leste formula no Implementa Politika Livre Viza ?

2.1. Teoria Implementasaun Politika Publiko

Tuir matenek nain **Van Meter** no **Van Horn** (1975) defini katak implementasau politika, nu'udar asaun ne'ebé halo husi individu ka ofisial ka grupu instituisaun publiko ka privadu atu atinji metas iha desizaun politika.

2.2. Teoria Governu.

Tuir matenek nain **Robert Mac Iver** (1960:5), Government is the organization of men under authority. how man can be govern (Governu hanesan organizasaun ida husi ema mak iha puder, oin sa' bele' manda ema.


2.3. Teoria Sociadade

Tuir matenek nain **Koentjaraningrat**. (2002: 150), fo' definisaun kata sociadade hanesan ema lubun ida mak halibur hamutuk "ransumalu", ou ho liafuan cientifiku katak halao "interaksaun ba' malu".

2.4. Teoria atendementu Publiko

Tuir matenek nain **Sadu Wasistiono**, (2001:5152), katak atendementu publika fo' favor diak husi governu, seitor privadu hodi governu nia naran ou seitor privadu ba' cidadaun, no sei la' selu hodi kompleta nececidadi ou interese povu.

2.5. Konseitu Hanoin



3.1.Razaun Uza Metodo Peskija

Peskija ne'e uza metodo peskija kualitativo deskriptivu tamba uza metodo ne'e bele' iha konesementu kona-ba sujeitu peskiza iha biban balun. Tan ne'e mak peskijador hakarak atu buka hatene fenomena social mak mosu iha fatin peskija, hodi deskreve tuir ho' diak no los bazeia ba' dadus no faktus, nune bele hetan fiar husi parte kompetensia, no mos bele' konsidera hanesan obra cintifiko iha ambitu akademika ho komprendaun cientifiku tuir topiku no formulaun problema. Mukhtar (2013:10).

3.2.Fatin Peskija no Informantes

- 1.Ambaxada Indonesia, Dirasaun Imigrasaun nain 1
- 2.Ministerio Negocio Estranzerio, Diretor Geral dos Assunto Consulares e Protocolos MNEC, nain 1
- 3.Ministerio Interior Dili, Diretor Geral do Servico de Migrasaun Dili.nain 1.

3.5.Tekniku Halibur Dadus

Tekniku halibur dadus iha peskija ne, hanesan tuir mai:

3.5.1. Entrevista

Teknika halibur dadu ho entrevista katak hetan informasaun direita husi informante dahuluk mak konsidera hanesan resposta ba perguntas husi peskijador. Atu hatan ho didiak babain prepara antes liafuan mak husu iha lista. Entrevista katak dada lia ho objetivu balun. Dada lia husi parte rua, mak husi parte husu no parte hatan, Moleong (2009:186).

3.5.2.Dokumentasaun

Dokumentasaun katak bele hetan dadu ou informasaun direita mak kobre livrus, regulamentu, relatori, fotografia no dokumentus seluk mak relevante ho problema peskija.

3.6.Tekniku Analiza Dadus

Ian Dey (1993), katak faze-faze analiza dadus hanesan tuira mai.

Analiza dadus kualitatif nia principio hatur iha proseso tolu (3) mak ligado hanesan : *deskreve fenomena, halo klasifikasaun* no hare' oin sa' *konseitu-konseitu mak mosu ne'e entre ida ho seluk iha ligasaun*. Prosesu ne hanesan proseso siklikal. Hodi hatudu katak proseso tolu ne'e iha ligasaun ba' malu. Moleong, (2010:29)

4.1.Razaun Governu Indonesia ho' Governu Timor-Leste formula politika livre viza ba' cidadaun.

Politika Governu Indonesia ba' formula decizaun ne'e tamba hare' ba' estoria Timor-Leste hanesan nasaun ukun husi Indonesia, Relasaun familia ema Timor ho' ema Indonesia metin liu, la' bele' haketak ho' politika ou lei, tamba ligasaun ra'an, uma lisan, kultura hahu husi avo bei-ala sira to'o dadaun nee.

Hare' mos ba' aspeto ekonomia katak Timor-Leste hanesan nasaun vizinho mak ligasaun ho' rai maran, cidadaun nasaun rua ne'e halao atividade ekonomia lais no fasil, realidade hatudu katak dadaun ne'e cidadaun Timor oan antusias ba Indonesia halao atividade ekonomia hahu husi negocia ki'ik oan to

negocio bot, bele' tulun governu liu husi proseso seluk taxa tuir politika governu nian.

Politika livre viza ne'e, bele' dada liu tan ema Timor oan hakarak ba' vizita Indonesia, hanesan vizita familya, vizita fatin turismu mak barak no furak no diak iha Indonesia, nune mos cidadaun Indonesia mak vizita Timor-Leste.

(Husi Atase Imigrasian Indonesia iha Dili Sr. Eben R. Taufan, 21 janeiru 2022 horas tuk 10:00 11:00 HTL)

Nune' mos proseso formulasaun politik livre viza husi governu Timor-Leste ba' cidadaun Indonesia mak vizita Timor, ho' razaun katak, governu Timor-Leste iha hanoin tamba Timor-Leste ho Indonesia iha estoria mak la' hanesan ho nasaun seluk no entre cidadaun, nasaun rua ne'e mos iha ligasaun husi, ra'an no kultura hahu antes Indonesia ukun Timor-Leste to' husik hela Timor ukun rasik aan, no hare' mos ba' durante ne'e Indonesia produse rekursu humanu barak mak kualifikadu, konstrui dezvoltamentu infrastrutura barak mak sei uza to' dadaun ne'n no' mos Timor oan barak mak interesante kontinua estudu iha nivel ensinu superior iha programa estudu licenciatura, mestrado no dotoramentu iha area especializasaun oi-oin. No' mos cidadaun Indonesia barak mak hela iha Timor, cidadaun sira sempre halao vizita ba' malu, cidadaun Indonesia barak mak interesante halao atividade ekonomia, hahu husi negocio ki'ik oan to' boot hodi fo' serviso barak ba' Timor oan, tan ne'e governu Timor-Leste hanoin hodi formula politika livre viza ba' cidadaun Indonesia, mas ho' kriteria tuir akordu entre governu, katak livre viza validu ba' fulan ida deit ou loron 30, liu fulan ida bele hanaruk loron vizita, maibe tenki halo rekerementu bazeia ba' nececidade no interese vizitante, livre viza ne'e validu deit ba' cidadaun atu vizita familya hanesan turista, laos atu hodi buka servico. Politika ne'e interesante tamba bele dada cidadaun Indonesia mai Timor hodi hatene fatin turismu barak mak diak maski seduk dezvoltolve halo furak, no' bele' hola sasan produsaun liman mak diak no' barak hanesan tais, kalbaka oan, lohu, kaebauk, belak mak bele atrai vizitantes Indonesia.

(Husi Diretor Geral dos Assuntos Consulares e Protocolares MNEC, Sr. Jose A. Amorin Diaz, 06 Dezembru 2021)

4.2. Hahu Proceso Formulasaun Politika Livre Viza.

Governu Indonesia hahu Proceso formulasaun politika livre viza ne'e iha tinan 2003, foin hakotu ho' dekretu lei governu 21/2016 kona-ba livre viza ba' vizitante husi Timor-Leste ba' Indonesia, depois halao estudu viabilidade no' hare' konsiderasaun husi aspetu oi-oin mak kobre nececidade povu no governu nasaun rua nee, mak hahu implementa iha tinan 2016 no Timor-Leste tama numeru 169 nasoens.

(Husi Atase Imigrasian Indonesia iha Dili Sr. Eben R. Taufan, 21 janeiru 2022 horas tuk 10:00-11:00 HTL)

Governu Timor-Leste hahu proseso formulasaun politika livre viza ne'e iha tinan 2019, ho Resoluções do Governo Número 25/2019, de 18 de Setembro dispensa de Visto de Turismo a Cidadãos da Indonésia,.....kona-ba ..principios reciprocidade, katak Indonesia fo livre viza mai cidadaun Timor oan hodi vizita ba'

Indonesia. Timor-Leste mos fo' livre viza ba' cidadaun Indonesia mak mai Timor-Leste, Ho liafuan seluk katak “**ita fo' ba' malu**”.. maibe tenki prenze kriteria mak determinadu.

(Husi Direitur Geral dos Assuntus Consulares e Protocolares MNEC, Sr. Jose A. Amorin Diaz, 06 Dezembru 2021)

4.3. Proseso implementasaun politika livre viza.

Proseso implementasaun politika ne'e liu husi imigrasaun mak haknar aan iha ambaxada Indonesia no imigrasaun mak hetan fiar halao knar iha linha fronteira ou aeroportu, hanesan Timor-Leste mak iha Motain, Salele no Wina. Razaun implementasaun politika nee hanesan estratezia politika governu atu bele' reduce numeru cidadaun mak halao vizita ilegal, hamenus cidadaun nia gastu ba viza wainhira hakarak halao vizita iha nasaun rua nee.

(Husi Atase Imigrasian Indonesia iha Dili Sr. Eben R. Taufan, 21 janeiru 2022)

Rezolusaun Governo Número 25/2019, de 18 de Setembru kona-ba livre viza ba' cidadaun indonesia hanesan turista iha situasaun normal molok pandemia Covid-19. formulaun ba' rezolusaun sira ne 'e konsidera progresivu, tanba fasilita mobilidade turista Indonézia nian ne' ebe' mai vizita Timor-Leste. Maski nune 'e, iha momentu ida-ne'e, wainhira surtu Covid-19 afeta nasaun hotu-hotu, inklui Timor-Leste, politika ida ne'e tenke hetan avaliasaun, tanba iha potenciá atu provoca transmisaun moras Covid-19 iha Timor-Leste.

Iha prosesu implementasaun hetan impaktu positivu hanesan : (1) Hasae número vizitantes Indonésia mai Timor Leste, (2) Bele reduce cidadaun Indonézia mai Timor-Leste liu husi dalan klot, (3) Transformasaun Tenolojia husi Indonésia bele mosu iha Timor-Leste., (4) Fó biban ba Timor oan iha Indonesia bele' viajen mai Timor Leste, (5) Kria relasaun diak entre cidadaun.

Iha mos impaktu negativu hanesan: (1) Uza sala hodi halao serviso, (2) uza sala hodi halao negosio ki'ik oan ho durasaun tempo badak (prostituisaun, fa'an sasan iha estrada ninin, fa'an sasan lori tama sai uma).

Implementasaun política ne'e mos fó liberdade ba' sidadaun ida atu tama no sai iha território nasaun rua nee, mai be'e tenki tuir akordu mak hatur iha konteudu politika refere. Iha sorin seluk objetivu husi implementasaun política ne'e mos hanesan dalan hadia ekonomia rai laran ba' governu no povu ki'ik, liu husi faan no sosa sasan produsaun liman, politika ne'e iha duni prinsípiu resiprosidade. Politika ne'e hanesan implementasaun kontinuasaun husi Konstituisaun RDTL Artigu 8^o kona-ba Relasaun Internasionál, “República Demokrátika Timor-Leste hala'o nafatin nia relasaun ba' belun espesial no nasaun viziñu sira no' mós nasaun hirak-ne'ebé mak iha rejiaun laran.

(Husi Direitur Geral dos Assuntus Consulares e Protocolares MNEC, Sr. Jose Antonio A. Diaz, 06 Dezembru 2021)

Proseso atendentu ne'e bele' halao iha fronteira rai maran tamba cidadaun sira uza transporte publiko no privadu, no' bele' hetan atendentu iha imigrasaun iha aeroportu tamba cidadaun balun viazen ho aviaun.

Atendentu livre viza ne'e ho' kriteria hanesan tuir mai.

1. Livre viza valido ba loron 30.

2. Karik necessaria bele' hato rekerementu hodi prolongga mai be' dal 1 deit.

3. Liu husi nee, cidadaun tenki fila, mak bele' tama fali.

Durante implementasaun cidadaun Indonesia la' tama illegal, maibe Timor oan mak tama ilegal ba' Atambua, hanesan ita rona iha iha noticia.

Iha diferensia entre implementasaun politika livre viza no selu viza.

Selu viza: cidadaun indoneisa mai Timor-Leste la dun barak, depende ba nececidade no interese privadu, kultura no ekonomia mak importante.

Livre viza: Cidadaun Indonesia barak mak antusias vizita Timor-Leste, tamba iha relasaun ho' estoria pasadu katak cidadaun Indonesia barak hela iha Timor, antes Timor-Leste ukun an, no balun hakarak mai hanesan turista, balun uza sala livre viza ne'e hodi halao atividade negocio tempu badak (hanesan fa'an sasan lori lao ain). (*Haktuir husi Sr. Luis S. Barreto iha knar fatin iha loron 30 dezenbro 2021*)

4.4.Fator suporta no impedementu iha proseso implementasaun.

Fator suporta implementasaun politika ne'e mak lei governu Indonesia no 21/2016, rekursu humanu mak preparadu ho professional no' hetan apoia husi fasilidade iha serviso fatin no komprende saun sidadaun ba' uza viza.

Fator impedementu politika ne'e la' iha, tamba linha kordenasaun serviso entre nasaun rua ne'e mak diak no los. Funsionarios imigrasaun sira halao serviso ho professional no responsabilidade.

(*Husi Atase Imigrasian Indonesia iha Dili Sr. Eben R. Taufan, 21 janeiru 2022, tuk 10:00-11:00 HTL*)

Iha sorin seluk Fator apoia ba implementasaun mak Rezolusaun Governo Número 25/2019, de 18 de Setembru, kona-ba livre viza ba' cidadaun Indonesia mai Timor-Leste no hetan apoia seguransa husi forsa PNTL no' FDTL no' Alfandega iha fronteira. Iha implementasaun ne'e envolve instituisaun relevante mak serviso hamutuk tamba ne'e politika husi governu.

Fator impedementu la' iha, tamba ne'e hetan kordenasaun politika entre nasaun vizinho rua, no' politika ne'e hanesan parte ida governo tulun povu mak mukit no kiak mai iha be' votande diak atu halao atividade humanau mak iha relasaun ba malu.

(*Haktuir husi Sr. Luis S. Barreto iha knar fatin iha loron 30 dezenbro 2021*)

4.5.Vantazen husi implementasaun politika livre viza

Vatazen politika livre viza ba' governu mak hatudu katak governu iha atensaun bot ba' cidadaun nia nesecidade no interese, nune' lideransa iha governasaun ne'e hetan fiar husi povu no' hetan numeru vizitantes husi nasaun sira mak hetan

vantazen livre ne'e barak. Vantazen ba' povu babain mak hanesan bele' ona halao vizita ho' pasporte deit, maski ho' durasaun loron 30, mai be' iha nececidade importante no' urgenti bele' hanaruk loron 30 tan iha fatin vizita.

(Haktuir husi Atase Imigrasian Indonesia iha Dili Sr. Eben R. Taufan, 21 janeiru 2022, tuk 10:00-11:00 HTL)

Iha sorin seluk politika ne'e, hanesan parte ida husi dezvoltimentu relasaun bilateral entre nasaun rua ne'ebé bazikamente iha prinsipiu *Mutual benefite* no azas Resiprokal no' politika estranjeiru Timor-Leste ne'ebé fó importansia ba' serbisu hamutuk ho's nasaun vijianu mak lao tuir dezvoltimentu era globalizasaun.

(Haktuir husi Sr. Luis S. Barreto iha knar fatin iha loron 30 dezenbro 2021)

Benefisiu iha setór ekonomia tamba Indonesia hanesan mitra importante komersiu ba Timor-Leste. Akordu serbisu hamutuk iha setór ekonomia entre nasaun rua ne'e halao bebeik iha setor oi-oin. Cidadaun Indonesia halo' ona operasaun ba' Empreza Publika iha Timor-Leste hanesan: Telkomsel, BRI, Bank Mandiri, Pertamina no seluk tan.

Seluk tan hare' husi realidade katak Timor oan barak mak interesante hodi kontinua estudu iha Indonesia tan ne'e bele' fo' asistencia estudu no' oportunidade ba' timor oan atu bele' hela iha Indonesia, no' bele' tulun ha-fasil asesu ba' administrasaun estudantes.

Hare' husi evolusaun sistema administrasaun no governasaun, formulaun no implemetasaun politika livre viza hanesan estratezia promosaun Sistema Governasaun hodi atinji Governasaun Diak (*Good governance*). Hatutan katak Indonesia dadaun ne'e esforsu no' suporta Timor-Leste atu bele' sai membru ASEAN, estratejia livre visa ne'e bele' hanesan mos rekonsiliaun, nune' bele' fasilita movimentu, no' ligasaun husi povu no' povo ho' diak liutan.

(Direitor Geral dos Assuntus Consulares e Protocolares MNEC, Sr. Jose Antonio Amorin Diaz, 06 Dezembro 2021)

4.6. Durasaun Politika livre viza.

Politika livre viza nee hahu implementa iha loron 16 Marsu 2016, no foin hapara iha mosu pandemia covid19, tamba ho razaun moras fasil daed no hamate ema lais no barak iha nasaun seluk, to dadaun nee. Maibe hare husi aspetu humanu, governu Indonesia facilita nafatin Timor oan mak iha nececidade no interese iha Indonesia hanesan iha area Saude, familia mate no edukasaun bele hetan biban hodi tama Indonesia mai selu viza. Dadaun nee, Cidadaun Indonesia ladun barak mai Timor-Leste, depende ba interese no nececidade vizitante.

(Haktuir husi Atase Imigrasian Indonesia iha Dili Sr. Eben R. Taufan, 21 janeiru 2022)

Iha sorin seluk hahu mosu pandemia covid-19, depois depacho governu Timor-Leste sai katak la' bele' halao viajen ba' rai liu ou nasaun seluk, tan n'e ohin loron sidadaun babain la' halao vizita familiar, mai be' tamba interese no' nesecidade governu, tamba Timor-Leste nasaun foin ukun rasik aan menus facilidade oi-oin, nune' governu Timor-Leste fasilita atividade ekonomia nasaun lao nafatin, politika ne'e sei la' hapara, no' mos sidadaun seidauk bele ba Indonesia.

(Haktuir husi Sr. Luis S. Barreto iha knar fatin iha loron 30 dezenbro 2021)

4.7. Interpretasaun Dadus

Estratezia Politika Governu Indonesia ho' Governu Timor-Leste ba' formula desizaun livre viza ba' sidadaun, politikamente hanesan implementasaun politika estranzeiru nasaun nian katak governu iha dever no' puder halao relasaun serviso hamutuk hodi tulun sidadaun bazeia ba' nesesidade no' interese povu no' estadu, ne'e tamba hare' ba' estoria Timor-Leste hanesan nasaun ukun husi Indonesia, relasaun familia ema Timor ho' ema Indonesia metin liu, la' bele' haketak ho' politika ou lei, tamba ligasaun raan, uma lisan, kultura hahu husi avo bei-ala sira to' dadaun ne'e.

Politika livre viza ne'e, bele' dada liu tan ema Timor oan hakarak ba' vizita Indonesia, hanesan vizita familia, vizita fatin turismu mak barak no' furak no' diak iha Indonesia, nune' mos sidadaun Indonesia mak vizita Timor-Leste.

Iha parte edukasaun, Timor oan barak mak sei iha interese atu halao estudu iha nivel edukasaun hanesan lisensiatura, mestradu no' dotoramentu iha disiplina siensia oi-oin, iha universidade privadu ou universidade publiko, estudantes balun halao estudu ho' selu husi inan aman no' balun hetan tulun husi governu no' agensya seluk. Aplikasaun politika livre viza ne'e ho' kriteria mak determinadu.

Proseso implementasaun politika ne'e liu husi imigrasaun mak haknar aan iha ambaxada Indonesia no' imigrasaun mak hetan fiar halao knar iha linha fronteira ou aeroportu, hanesan Timor-Leste mak iha Motain, Salele no' Wini. Razaun implementasaun politika ne'e hanesan estratezia politika governu atu bele' reduce numeru sidadaun mak halao vizita ilegal, hamenus sidadaun nia gastu ba' viza wainhira hakarak halao vizita.

Implementasaun hanesan atendentu publiko husi governu ba' povu, rezultadu diskusaun bele' justifika ho' hanoin husi **Sadu Wasistiono**, (2001:5152), katak atendentu publika fo' favor diak husi governu, seitor privadu hodi governu nia naran ou seitor privadu ba' sidadaun, no' sei la' selu hodi kompleta nesesidadi ou interese povu. Iha proseso atendentu ne'e hanesan dalan ha-belar knar governu ba' sidadaun, nune' bele' hetan fiar no' atensaun husi povu, bele' garante kualidade atendentu diak hanesan proseso ba' aplikasaun sistema governasaun diak (*good governance*).

5.1. Konkluzau

Iha proseso implementasaun politika livre viza husi governu Indonesia no' governu Timor-Leste hatudu katak iha vantazen diak hanesan hasae numeru vizitantes Indonésia mai Timor Leste, Bele reduce cidadaun Indonézia mai Timor-Leste liu husi dalan klot, fó biban ba' Timor oan iha Indonesia bele' viajen mai Timor-Leste, kria relasaun diak entre cidadaun.

No' mos vantaze ladun diak hanesan: sidadaun uza sala livre viza laos hanesan turista, mai be' hanesan halao serviso, hodi halao negosio ki'ik oan ho' durasaun tempo badak (prostituisaun, fa'an sasan iha estrada ninin, fa'an sasan lori tama sai uma).

Implementasaun política ne'e mos fó liberdade ba' sidadaun ida atu tama no' sai iha teritóriu nasaun rua nee, validu ba' vizita hanesan turista ou visita familia, laos atu halao negosiu, halao atividade governu ou privadu, partisipa iha eventu

balun, halao estudu no' seluk tan tuir akordu mak hatur iha konteudu politika refere.

5.2.Sujestaun

Hanesan fontes ba' dadus husi peskiza ne'e mak temi tuir mai:

1.Ambaxada Indonesia hanesan Atase Imigrasaun Iha Timor-Leste

Proseso implementasaun Rezolusaun Governo Indonesia Numeru 21/2016 kona-ba livre viza ba' sidadaun Timor-Leste ba' Indoensia mak horas ne'e dadaun hapara provizoriamente tamba covid-19, karik covid-19 hotu bele' valida fali nune' sidadaun babain bele' halao atividade viajen hanesan antes.

2. Direitur Geral dos Assuntus Consulares e Protocolares MNEC.

Iha proseso implementasaun politika livre viza ba' sidadaun Indonesia mai Timor-Leste tenki halao linha koordenaun diak ho Migrasaun Dili , nune' iha proseso atendentu publiko ba cidadaun nasaun rua ne'e bele' garante kontinuaun serviso hamutuk no kualidade ba' sistema governasaun diak.

3.Diretur Geral Imigrasaun Dili.

Hanesan implementador politika livre viza ho' Rezolusaun Governo Número 25/2019, de 18 de Setembru dispensa de Visto de Turismo a sidadaun Indonésia mai Timor-Leste, tenki halao verifikasaun vistu ho' diak, kontrolu forte nune' sidadaun la' bele' uza sala.

4.Sidadaun.

Ba sidadaun hanesan beneficiario livre viza tenki hatene katak:

- 1.Livre viza valido ba loron 30.
- 2.Karik nesesaria bele hato rekerementu hodi prolongga mai be dal 1 deit.
- 3.Liu husi nee, sidadaun tenki fila, mak bele tama fali.
- 4.Sidadaun tenki kumpri regras mak hatur iha konteudu politika nee.

Biblografia:

Hardyaansyah, 2011, *Kualitas pelayanan Publik*, Cetakan I, penerbit Gava Media, Yogyakarta-Indonesia.

Inu K.Syaffie, 2011, *Etika Pemerintahan*, Cetakan I, Penerbit Rineka Cipta-Jakarta-indonesia.

Koentjaraningrat. 2002, *Pengantar Ilmu Antropologi* Cetakan Kedelapan, Indonesia.

Mukthar, 2013, *Metode Praktis Penelitian Deskriptif Kualitatif*, Cetakan I, Penerbit Referensi-Jakarta-indonesia.

Moleong, 2010, *Metodologi Penelitian Kualitatif*, Cetakan 28, Penerbit PT Remaja Rosdakarya- Bandung-Indonesia

sRahayu K.Dewi, 2016, *Studi Analisis Kebijakan*, Cetakan I, Penerbit Pustaka Setia, Bandung-Indonesia.

Saryono, 2013, *Metodologi Penelitian Kualitatif dan Kuantitaif dalam bidang Kesehatan*, Cetakan I, Penerbit Nuha Medika, Yogyakarta.

Anexo.

- 1.Karta Peskiza husi Diresaun Zeral Para os Assuntos Consulares E Protocolares,

- MNEC.
2. Karta Peskiza husi Atase Imigrasaun, KBRI iha Dili
 3. Karta Peskiza husi Dirasaun Zeral Servico De Migrasaun, Gabinete Diretor Zeral, Dili.

Foto Dokumentasaun



Intervista ho Sr. Diretor Migrasaun Dili, Timor-Leste



Intervista ho Atase Imigrasaun Indonesia iha Dili

Gastus ba Peskiza

No	Item	Total	Observasau
1	Hakerek no Produs Proposta	\$500	
2	Instrumentu Peskiza	\$ 250	
3	Koordenadór	\$ 500	
4	Transportasaun+ Komunikasaun	\$ 250	
5	Foto Copy+Halo Relatori	\$250	
6	Publikasaun Journal Internasional	\$250	
	T o t a l	\$ 2.000,00	